

摩訶般若波羅蜜經卷第十一

姚秦三藏法師鳩摩羅什共僧叡譯

舍利品第三十七

佛告釋提桓因言。憍尸迦。若滿閻浮提佛舍利。作一分。復有人書般若波羅蜜經卷作一分。二分之一。汝取何所。釋提桓因白佛言。世尊。若滿閻浮提佛舍利。作一分。般若波羅蜜經卷作一分。二分之一。中我寧取般若波羅蜜經卷。何以故。世尊。我於佛舍利。非不恭敬。非不尊重。世尊。以舍利從般若波羅蜜中生。般若波羅蜜修熏故。是舍利得供養恭敬尊重讚歎。爾時

531

摩訶般若波羅蜜經

摩訶般若波羅蜜經

舍利弗問釋提桓因。憍尸迦。是般若波羅蜜不可取。無色無形無對。一相所謂無相。汝云何欲取。何以故。是般若波羅蜜。不爲取。故出不爲捨。故出不爲增減。聚散損益垢淨。故出是般若波羅蜜。不與諸佛法。不捨凡人法。不與辟支佛法。阿羅漢法。學法。不捨凡人法。不與無爲性。不捨有爲性。不與內空。乃至無法有法。空。不與四念處。乃至一切種智。不捨凡人法。釋提桓因語舍利弗。如是如是。舍利弗。若有人知是般若波羅蜜。不與諸佛法。不捨凡人法。乃至不與一切種智。不捨凡人法。是菩薩摩訶薩。能行般若波羅蜜。能

532

修般若波羅蜜何以故般若波羅蜜不行二法相故  
不二法相是般若波羅蜜不二法相是禪波羅蜜乃  
至檀波羅蜜爾時佛讚釋提桓因言善哉善哉憍尸  
迦如汝所說般若波羅蜜不行二法相故不二法相  
是般若波羅蜜不二法相是禪波羅蜜乃至檀波羅  
蜜憍尸迦若人欲得法性二相者是人爲欲得般若  
波羅蜜二相何以故憍尸迦法性般若波羅蜜無二  
無別乃至檀波羅蜜亦如是若人欲得實際不可思  
議性二相者是人爲欲得般若波羅蜜二相何以故  
般若波羅蜜不可思議性無二無別釋提桓因白佛

533

摩訶般若波羅蜜經

摩訶般若波羅蜜經

言世尊一切世間人及諸天阿修羅應禮拜供養般  
若波羅蜜何以故諸菩薩摩訶薩般若波羅蜜中學  
得阿耨多羅三藐三菩提世尊我常在善法堂上坐  
若我不在座時諸天子來供養我故爲我坐處作禮  
繞竟還去諸天子作是念釋提桓因在是處坐爲諸  
三十三天說法故如是世尊在所處書是般若波羅  
蜜經卷受持讀誦爲他演說是處十方世界中諸天  
龍夜叉乾闥婆阿修羅迦樓羅緊那羅摩睺羅伽皆  
來禮拜般若波羅蜜供養已去何以故是般若波羅  
蜜中生諸佛及生一切眾生樂具故諸佛舍利亦是

534

一切種智住處因緣。以是故世尊。一分中。我取般若  
波羅蜜。復次世尊。我若受持讀誦般若波羅蜜。深心  
入法中。我是時不見怖畏相。何以故。世尊。是深般若  
波羅蜜。無相無貌。無言無說。世尊。無相無貌。無言無  
說。是般若波羅蜜。乃至是一切種智。世尊。般若波羅  
蜜。若當有相。非無相者。諸佛不應知一切法。無相無  
貌。無言無說。得阿耨多羅三藐三菩提。為弟子說諸  
法。亦無相無貌。無言無說。世尊。以般若波羅蜜。實是  
無相無貌。無言無說。故諸佛知一切諸法。無相無貌。  
無言無說。得阿耨多羅三藐三菩提。為弟子說諸法。

535

摩訶般若波羅蜜經

亦無相無貌。無言無說。以是故世尊。是般若波羅蜜。  
一切世閒諸天人阿修羅。應恭敬供養。尊重讚歎。香  
華瓔珞。乃至旛蓋。復次世尊。若有人受持般若波羅  
蜜。親近讀誦。說正憶念。及書供養。華香。乃至旛蓋。是  
人不墮地獄畜生餓鬼道中。不墮聲聞辟支佛地。乃  
至得阿耨多羅三藐三菩提。常見諸佛。從一佛國至  
一佛國。供養諸佛。恭敬尊重。讚歎華香。乃至旛蓋。復  
次世尊。滿三千大千世界。佛舍利。作一分。書般若波  
羅蜜經卷。作一分。是二分中。我故取般若波羅蜜。何  
以故。世尊。是般若波羅蜜中生諸佛舍利。以是故。舍

536

摩訶般若波羅蜜經

73

利得供養恭敬。尊重讚歎。是善男子善女人。供養恭敬。舍利故。受天上人中福樂。常不墮三惡道。如所願。漸以三乘法入涅槃。是故世尊。若有見現在佛。若見般若波羅蜜經卷等無異。何以故。世尊。是般若波羅蜜與佛無二無別。故復次世尊。如佛住三事示現。說十二部經。修多羅。祇夜。乃至優波提舍。復有善男子善女人。受持誦說是般若波羅蜜等無異。何以故。世尊。是般若波羅蜜中生三事示現。及十二部經。修多羅。乃至優波提舍。故復次世尊。十方諸佛住三事示現。說十二部經。修多羅。乃至優波提舍。復有人受般

537

摩訶般若波羅蜜經

摩訶般若波羅蜜經

若波羅蜜。爲他人說等無異。何以故。般若波羅蜜中生諸佛。亦生十二部經。修多羅。乃至優波提舍。復次世尊。若有供養十方如恆河沙等世界中諸佛。恭敬尊重讚歎華香。乃至旛蓋。復有人書般若波羅蜜經卷。恭敬尊重讚歎華香。乃至旛蓋。其福正等。何以故。十方諸佛皆從般若波羅蜜中生。復次世尊。善男子善女人。聞是般若波羅蜜。受持讀誦正憶念。亦爲他人說。是人。不墮地獄道。畜生餓鬼道。亦不墮聲聞辟支佛地。何以故。當知是善男子善女人。正住阿惟越致地中。故是般若波羅蜜。遠離一切苦惱衰病。復次

538

P4

世尊若有善男子善女人書是般若波羅蜜經卷受  
持親近供養恭敬尊重讚歎是人離諸恐怖世尊譬  
如負債人親近國王供給左右債主及更供養恭敬  
是人是不復畏怖何以故世尊此人依近於王憑  
恃有力故如是世尊諸佛舍利般若波羅蜜修熏故  
得供養恭敬世尊當知般若波羅蜜如王舍利如負  
債人負債人依王故得供養舍利亦依般若波羅蜜  
修熏故得供養世尊當知諸佛一切種智亦以般若  
波羅蜜修熏故得成就是以故世尊一分中我取般  
若波羅蜜何以故世尊般若波羅蜜中生諸佛舍利

539

摩訶般若波羅蜜經

摩訶般若波羅蜜經

三十二相般若波羅蜜中亦生佛十力四無所畏四  
無礙智十八不共法大悲大悲世尊般若波羅蜜中  
生五波羅蜜便得波羅蜜名字般若波羅蜜中生諸  
佛一切種智復次世尊所在三千大千世界中若有  
受持供養恭敬尊重讚歎般若波羅蜜是處若人若  
非人不能得其便是人漸漸得入涅槃世尊般若波  
羅蜜為大利益如是於三千大千世界中能作佛事  
世尊在所處有般若波羅蜜則為有佛世尊譬如無  
價摩尼珠寶在所住處非人不得其便若男子女人  
有熱病以是珠寶著身上熱病即時除愈若有風病若

540

P5

有冷病。若有裸熱風冷病。以珠著身上。皆悉除愈。若  
閻中是珠能令明。熱時能令涼。寒時能令溫。珠所住  
處。其地不寒不熱。時節和適。其處亦無諸餘毒螫。若  
男子。女人。爲毒蛇所螫。以珠示之。毒卽除滅。復次。世  
尊。若男子。女人。眼痛。膚翳。盲瞽。以珠示之。卽時除愈。  
若有癩瘡。惡腫。以珠著身上。病卽除愈。復次。世尊。是  
摩尼珠寶所在水中。水隨作一色。若以青物裹著水  
中。水色則爲青。若黃赤白紅。縹物裹著水中。水隨作  
黃赤白紅。縹色。如是等種種色物裹著水中。水隨作  
種種色。世尊。若水濁。以珠著水中。水卽爲清。是珠其

摩訶般若波羅蜜經

摩訶般若波羅蜜經

德如是。爾時阿難問釋提桓因言。憍尸迦。是摩尼珠  
寶。爲是天上寶。爲是閻浮提寶。釋提桓因語阿難言。  
是天上寶。閻浮提人亦有是寶。但功德相少。不具足。  
天上寶清淨輕妙。不可以譬喻爲比。復次。世尊。是摩  
尼寶。若著篋中。舉出其功德。熏篋。故人皆愛敬。如是  
世尊。在所處有書般若波羅蜜經卷。是處則無眾惱  
之患。亦如摩尼寶所著處。則無眾難。世尊。佛般涅槃  
後。舍利得供養。皆是般若波羅蜜力。禪波羅蜜。乃至  
檀波羅蜜。內空。乃至無法有法。空。四念處。乃至十八  
不共法。一切智。法。相。法。住。法。位。法。性。實際。不可思議。

541

卅六

542

性一切種智。是諸功德力。善男子。善女人。作是念。是佛舍利。一切智。一切種智。大悲大悲。斷一切結使。及習常捨行。不錯謬法。等諸佛功德住處。以是故。舍利得供養。世尊。舍利是諸功德寶。波羅蜜住處。不垢不淨。波羅蜜住處。不生不滅。波羅蜜。不入不出。波羅蜜。不增不損。波羅蜜。不來不去。不住。波羅蜜。是佛舍利。是諸法相。波羅蜜住處。以是諸法相。波羅蜜熏修。故舍利得供養。復次。世尊。置三千大千世界。滿中舍利。如恆河沙等諸世界。滿其中舍利。作一分。有人書般若波羅蜜經卷。作一分。二分之一。我取般若波羅蜜。

543

摩訶般若波羅蜜經

摩訶般若波羅蜜經

何以故。是般若波羅蜜中生諸佛舍利。是般若波羅蜜熏修。故舍利得供養。世尊。若有善男子。善女人。供養舍利。恭敬尊重讚歎。其功德報。不可得邊。受人中天上福樂。所謂刹利大姓。婆羅門大姓。居士大家。四天王天處。乃至他化自在天中。受福樂。亦以是福德因緣。故當得盡苦。若受是般若波羅蜜。讀誦說正憶念。是人能具足禪波羅蜜。乃至能具足檀波羅蜜。能具足四念處。乃至能具足十八不共法。過聲聞辟支佛地。住菩薩位。住菩薩位。已得菩薩神通。從一佛國至一佛國。是菩薩為眾生故。受身隨其所應。成就眾

544

生若作轉輪聖王。若作刹利大姓。若作婆羅門大姓。成就眾生。以是故世尊。我不爲輕慢不恭敬。故不取舍利。以善男子善女人。供養般若波羅蜜。則爲供養舍利。故復次世尊。有人欲見十方無量阿僧祇諸世界中。現在佛法身色身。是人應聞受持般若波羅蜜。讀誦正憶念。爲他人演說。如是善男子善女人。當見十方無量阿僧祇世界中。諸佛法身色身。是善男子善女人。行般若波羅蜜。亦應以法相修念佛三昧。復次善男子善女人。欲見現在諸佛。應當受是般若波羅蜜。乃至正憶念復次世尊。有二種法相。有爲諸法

545

摩訶般若波羅蜜經

摩訶般若波羅蜜經

相。無爲諸法相。云何有爲諸法相。所謂內空中智慧。乃至無法有法空中智慧。四念處中智慧。乃至入聖道分中智慧。佛十力。四無所畏。四無礙智。十八不共法中智慧。善法中不善法中。有漏法中無漏法中。世閒法中出世閒法中智慧。是名有爲諸法相。云何名無爲諸法相。若法無生無滅。無住無異。無垢無淨。無增無減。諸法自性。云何名諸法自性。諸法無所有性。是諸法自性。是名無爲諸法相。爾時佛告釋提桓因。如是如是。憍尸迦。過去諸佛。因是般若波羅蜜。得阿耨多羅三藐三菩提。過去諸佛弟子。亦因般若波羅

546



蜜得須陀洹道。乃至阿羅漢辟支佛道。未來現在世  
十方無量阿僧祇諸佛。因是般若波羅蜜得阿耨多  
羅三藐三菩提。未來現在諸佛弟子。亦因是般若波  
羅蜜得須陀洹道。乃至辟支佛道。何以故。般若波羅  
蜜中。廣說三乘義。以無相法故。無生無滅法故。無垢  
無淨法故。無作無起。不入不出。不增不損。不取不捨  
法故。以俗法故。非第一義。何以故。是般若波羅蜜非  
此非彼。非高非下。非等非不等。非相非無相。非世閒  
非出世閒。非有漏非無漏。非有爲非無爲。非善非不  
善。非過去非未來非現在。何以故。憍尸迦。般若波羅

547

摩訶般若波羅蜜經

摩訶般若波羅蜜經

蜜不取聲聞辟支佛法。亦不捨凡人法。釋提桓因白  
佛言。世尊。菩薩摩訶薩行般若波羅蜜。知一切眾生  
心。亦不得眾生。乃至知者見者。亦不得是菩薩。不得  
色。不得受想行識。不得眼。乃至意。不得色。乃至法。不  
得眼觸因緣生受。乃至意觸因緣生受。不得四念處。  
乃至十八不共法。不得阿耨多羅三藐三菩提。不得  
諸佛法。不得佛。何以故。般若波羅蜜不爲得法。故出。  
何以故。般若波羅蜜性。無所有。不可得。所用法不可  
得。處亦不可得。佛告釋提桓因。如是如是。憍尸迦。如  
汝所說。菩薩摩訶薩長夜行般若波羅蜜。阿耨多羅

548

三藐三菩提不可得。何況菩薩及菩薩法。爾時釋提  
桓因白佛言。世尊。菩薩摩訶薩。但行般若波羅蜜。不  
行餘波羅蜜耶。佛告釋提桓因言。憍尸迦。菩薩盡行  
六波羅蜜法。以無所得故。行檀波羅蜜。不得施者。不  
得受者。不得財物。行尸羅波羅蜜。不得戒。不得持戒  
人。不得破戒人。乃至行般若波羅蜜。不得智慧。不得  
智慧人。不得無智慧人。憍尸迦。菩薩摩訶薩。行布施  
時。般若波羅蜜爲作明導。能具足檀波羅蜜。菩薩摩  
訶薩。行持戒時。般若波羅蜜爲作明導。能具足尸羅  
波羅蜜。菩薩摩訶薩。行忍辱時。般若波羅蜜爲作明

549

導般若波羅蜜經

摩訶般若波羅蜜經

導。能具足羼提波羅蜜。菩薩摩訶薩。行精進時。般若  
波羅蜜爲作明導。能具足毗梨耶波羅蜜。菩薩摩訶  
薩。行禪那時。般若波羅蜜爲作明導。能具足禪波羅  
蜜。菩薩摩訶薩。觀諸法時。般若波羅蜜爲作明導。能  
具足般若波羅蜜。一切法以無所得故。所謂色。乃至  
一切種智。憍尸迦。譬如閻浮提諸樹。種種葉。種種華。  
種種果。種種色。其陰無差別。諸波羅蜜入般若波羅  
蜜中。至薩婆若。無差別。亦如是以無所得故。釋提桓  
因白佛言。世尊。般若波羅蜜大功德成就。世尊。般若  
波羅蜜一切功德成就。世尊。般若波羅蜜無量功德

550

P10

成就無邊功德成就無等功德成就世尊若有善男子善女人書般若波羅蜜經卷恭敬供養尊重讚歎華香乃至旛蓋如般若波羅蜜所說正憶念復有善男子善女人書般若波羅蜜經卷與他人其福何所爲多佛告釋提桓因憍尸迦我還問汝隨汝意報我若有善男子善女人供養諸佛舍利恭敬尊重讚歎華香乃至旛蓋若復有人分舍利如芥子許與他人令供養恭敬尊重讚歎華香乃至旛蓋其福何所爲多釋提桓因白佛言世尊如我從佛聞法中義有善男子善女人自供養舍利乃至旛蓋若復有人分

551

摩訶般若波羅蜜經

摩訶般若波羅蜜經

舍利如芥子許與他人令供養其福甚多世尊佛見是福利眾生故入金剛三昧中碎金剛身作末舍利何以故有人佛滅度後供養佛舍利乃至如芥子許其福報無邊乃至盡苦佛告釋提桓因如是如是憍尸迦若善男子善女人書般若波羅蜜經卷供養恭敬華香乃至旛蓋若復有人書般若波羅蜜經卷與他人令學是男子女人其福甚多復次憍尸迦善男子善女人如般若波羅蜜中義爲他人說開示分別令易解是善男子善女人勝於前善男子善女人功德所從聞般若波羅蜜當視其人如佛亦如高勝梵

552

卍

行人何以故當知般若波羅蜜卽是佛般若波羅蜜  
不異佛佛不異般若波羅蜜過去未來現在諸佛皆  
從般若波羅蜜中學得阿耨多羅三藐三菩提及高  
勝梵行人高勝梵行人者所謂阿惟越致菩薩摩訶  
薩亦學是般若波羅蜜當得阿耨多羅三藐三菩提  
聲聞人學是般若波羅蜜得阿羅漢道求辟支佛道  
人學是般若波羅蜜得辟支佛道菩薩學是般若波  
羅蜜得入菩薩位以是故憍尸迦善男子善女人欲  
供養現在佛恭敬尊重讚歎華香乃至旛蓋當供養  
般若波羅蜜我見是利初得阿耨多羅三藐三菩提

學阿般若波羅蜜經

時作是念誰有可供養恭敬尊重讚歎依止住者憍  
尸迦我於一切世閒中若天若魔若梵若沙門婆羅  
門中不見與我等何況有勝者又自思念我所得法  
自致作佛我供養是法恭敬尊重讚歎當依止任何  
等是法所謂般若波羅蜜憍尸迦我自供養是般若  
波羅蜜恭敬尊重讚歎已依止任何何況善男子善女  
人欲得阿耨多羅三藐三菩提而不供養般若波羅  
蜜恭敬尊重讚歎華香瓔珞乃至旛蓋何以故般若  
波羅蜜中生諸菩薩摩訶薩諸菩薩摩訶薩中生諸  
佛以是故憍尸迦善男子善女人若求佛道若求辟  
支佛道若求聲聞道皆應供養般若波羅蜜恭敬尊  
重讚歎華香乃至旛蓋

553

554